

OFFERYNNAU STATUDOL CYMRU

2023 No. 343

**Rheoliadau Ychwanegion Bwyd, Cyflasynnau Bwyd, a
Bwydydd Newydd (Awdurdodiadau) a Bwyd a Bwyd
Anifeiliaid (Diwygiadau Amrywiol) (Cymru) 2023**

RHAN 1

Rhagarweiniad

Enwi, rychwant, cymhwyso a dod i rym

1.—(1) Enw'r Rheoliadau hyn yw Rheoliadau Ychwanegion Bwyd, Cyflasynnau Bwyd, a Bwydydd Newydd (Awdurdodiadau) a Bwyd a Bwyd Anifeiliaid (Diwygiadau Amrywiol) (Cymru) 2023.

(2) Mae'r Rheoliadau hyn—

(a) yn rychwantu Cymru a Lloegr;

(b) yn gymwys o ran Cymru.

(3) Daw Rhannau 1 a 5 i rym ar 14 Ebrill 2023.

(4) Daw Rhannau 2, 3 a 4 i rym ar 15 Mai 2023.

RHAN 2

Awdurdodi Ychwanegion Bwyd

Diwygio Rheoliad (EC) Rhif 1333/2008

2. Mae Rheoliad (EC) Rhif 1333/2008 Senedd Ewrop a'r Cyngor ar ychwanegion bwyd(1) wedi ei ddiwygio yn unol ag Atodlen 1.

Diwygio Rheoliad y Comisiwn (EU) Rhif 231/2012

3. Mae Rheoliad y Comisiwn (EU) Rhif 231/2012 sy'n gosod manylebau ar gyfer ychwanegion bwyd a restrir yn Atodiadau II a III i Reoliad (EC) Rhif 1333/2008 Senedd Ewrop a'r Cyngor(2) wedi ei ddiwygio yn unol ag Atodlen 2.

Darpariaeth drosiannol

4.—(1) Caniateir i unrhyw ychwanegyn bwyd neu fwyd a labelir cyn diwedd 14 Tachwedd 2024 fel E 960 glycosidau stefiol, neu fel eu bod yn cynnwys E 960 glycosidau stefiol, sydd fel arall yn

(1) EUR 2008/1333, a ddiwygiwyd gan O.S. 2019/860. Diwygiwyd O.S. 2019/860 gan O.S. 2020/1504.

(2) EUR 2012/231, a ddiwygiwyd gan O.S. 2019/860.

cydymffurfio â'r amodau defnyddio a'r fanyleb ar gyfer E 960a glycosidau stefiol o Stevia, barhau i gael eu rhoi ar y farchnad a'u defnyddio hyd nes y bydd y stociau wedi eu dihybyddu.

(2) Mae i'r ymadroddion Cymraeg a ddefnyddir ym mharagraff (1) sy'n cyfateb i ymadroddion Saesneg a ddefnyddir yn Rheoliad (EC) Rhif 1333/2008 Senedd Ewrop a'r Cyngor ar ychwanegion bwyd yr un ystyr â'r ymadroddion hynny yn y Rheoliad hwnnw.

RHAN 3

Awdurdodi Cyflasynnau Bwyd

Diwygio Rheoliad (EC) Rhif 1334/2008

5. Mae Rheoliad (EC) Rhif 1334/2008 Senedd Ewrop a'r Cyngor ar gyflasynnau a chynhwysion bwyd penodol â phriodoleddau cyflasu sydd i'w defnyddio mewn bwydydd ac ar fwydydd(3) wedi ei ddiwygio yn unol ag Atodlen 3.

RHAN 4

Awdurdodi Bwydydd Newydd

Diwygio Rheoliad Gweithredu'r Comisiwn (EU) 2017/2470

6. Mae Rheoliad Gweithredu'r Comisiwn (EU) 2017/2470 sy'n sefydlu rhestr yr Undeb o fwydydd newydd yn unol â Rheoliad (EU) 2015/2283 Senedd Ewrop a'r Cyngor ar fwydydd newydd(4) wedi ei ddiwygio yn unol ag Atodlenni 4 a 5.

RHAN 5

Diwygiadau Amrywiol

Diwygio Rheoliadau Deunyddiau ac Eitemau mewn Cysylltiad â Bwyd (Cymru) 2012

7. Yn Rheoliadau Deunyddiau ac Eitemau mewn Cysylltiad â Bwyd (Cymru) 2012(5), yn rheoliad 12(2), yn lle'r geiriau o "nhabl 1" hyd at y diwedd rhodder "Nhabl 1 o Atodlen 6 ac yn ddarostyngedig i'r cyfyngiadau yn y Tabl hwnnw".

Diwygio Rheoliadau Ychwanegion, Cyflasynnau, Ensymau a Thoddyddion Echdynnu Bwyd (Cymru) 2013

8. Yn Rheoliadau Ychwanegion, Cyflasynnau, Ensymau a Thoddyddion Echdynnu Bwyd (Cymru) 2013(6), yn rheoliad 2(1), yn y diffiniad o "Rheoliadau'r UE a ddargedwir"—

- (a) yn y testun Cymraeg, yn lle "(*the EU Regulations*)" rhodder "(*the retained EU Regulations*)";

(3) EUR 2008/1334, a ddiwygiwyd gan O.S. 2019/860. Diwygiwyd O.S. 2019/860 gan O.S. 2020/1504.

(4) EUR 2017/2470, a ddiwygiwyd gan O.S. 2019/702 a 2022/575 (Cy. 133); mae offerynnau diwygio eraill ond nid yw'r un ohonynt yn berthnasol.

(5) O.S. 2012/2705 (Cy. 291), a ddiwygiwyd gan O.S. 2022/1362 (Cy. 273); mae offerynnau diwygio eraill ond nid yw'r un ohonynt yn berthnasol.

(6) O.S. 2013/2591 (Cy. 255), a ddiwygiwyd gan O.S. 2022/1362 (Cy. 273); mae offerynnau diwygio eraill ond nid yw'r un ohonynt yn berthnasol.

- (b) yn y testun Saesneg, ar ôl “the retained EU Regulations” mewnoder “(“*Rheoliadau'r UE a ddargedwir*”)”.

Diwygio Rheoliadau Bwyd Anifeiliaid (Cyfansoddiad, Marchnata a Defnydd) (Cymru) 2016

9.—(1) Mae Rheoliadau Bwyd Anifeiliaid (Cyfansoddiad, Marchnata a Defnydd) (Cymru) 2016(7) wedi eu diwygio fel a ganlyn.

(2) Yn Atodlen 1B, yn Nhabl 1, yn y testun Cymraeg, yn y cofnod ar gyfer “1. Arsenig”, yn yr ail golofn, yn lle “deunyddiau blawd”, ym mhob lle y mae’n digwydd, rhodder “deunyddiau bwyd anifeiliaid”.

Lynne Neagle

Y Dirprwy Weinidog Iechyd Meddwl a
Llesiant, o dan awdurdod y Gweinidog Iechyd a
Gwasanaethau Cymdeithasol, un o Weinidogion
Cymru

20 Mawrth 2023

(7) O.S. 2016/386 (Cy. 120), a ddiwygiwyd gan O.S. 2022/1362 (Cy. 273); mae offerynnau diwygio eraill ond nid yw'r un ohonynt yn berthnasol.